

մտեան կողմը». դիտելով քաղաքին համայնապատկերը կը գոչէ. «Ո՛ր քաղաք Աստուծոյ, ո՛րքան քաղցր է դիտել քու փառքդ, Զիթնեաց լեռնէն» (Migne, P. G. 87, 3812): Այս խորհրդալից տողերը պայծառօրէն կը հաստատեն թէ՛ Ս. Քաղաքի գեղեցկութիւններն և թէ՛ Աշակերտարանի եկեղեցւոյն ներքին կառուցուածքը:

Բլուրը

Այս եկեղեցւոյն նկատմամբ մեր պատմիչներէն Մովսէս Կաղանկատուացին կը գրէ իր հետեւեալ խիստ շահեկան տեղեկութիւններն. « . . . իսկ ի տեղեղջ Համբարձմանն՝ ըստ յարութեան եկեղեցւոյն ձեռոյ գեղեցկահիւս՝ գմբէթաձև շինուած է, հարիւր կանգուն յերկայնն և հարիւր ի լայնն, անախ երևի Յորդանոսն գետ և Հովր լեռոն և բազում գաւառք» (Պսմ. Աղւնց. Աշխրհի., էջ 226): Աւելի վճիտ կերպով կը նկարագրէ Եպիփան վանականը. «Համբարձման եկեղեցին ունէր չրջանակաձև սիւնաշարք մը, մէջտեղը սեղան մը, սիւններէն դուրս կը գտնուէր մարմարիտնէ սալարկուած բոլորչի սրահ մը, սիւնաշարքին արեւելեան կողմը, քիչ մը հեռի, կար կողակը՝ ուր մասնաւոր սեղանի մը վրայ, Համբարձման տօնին կը պատարագէր պատրիարքը» (Migne, P. G. 120): Ըստ Յերոնիմոսի, Բյւի Եկեղեցին բոլորաչէն էր, (rotonde), շուրջանակի ժածկուած սրահներով: 670 ին, Arculfе եպիսկոպոս՝ իր ի Պաղեստին ուղևորութեան ժամանակ, դժած է եկեղեցւոյն յատակագիծը և հաղորդած մանրամասն տեղեկութիւններ, որոնց համաձայն, կը տեսնուի թէ եկեղեցւոյն ամենէն արտաքին սրահը կը գտնուէր նոյն բոլորաչէն եկեղեցւոյն պատին յեցած քառակուսի սիւներուն (pilastres) մէջ: Ուրիշ ուղևոր մը, Willibalde կը գրէ թէ եկեղեցւոյն հիւսիսային և հարուային կողմերը կը գտնուէին երկու սիւններ՝ ի յիշատակ սպիտակազգեստ այն երկու մարդոց, որ աշակերտաց կ'ըսէին «Աոբ Գալիլիացիի» և այլն (Գործք Առից. Ա. 10-11): Դարձեալ վերոգրեալներէն Arculfе եպիսկոպոս և Եպիփան այս եկեղեցւոյն ներքին կառուցուածքին վրայ կը հաղորդեն կարևոր տեղեկութիւններ: Շէնքը տանիք ու կամար չէ ունեցած, կատարելապէս բացօթեայ էր, ամենուն նայուածքին տեսանելի ընկելու համար երկնից ձանա-